

MEMORIA XUSTIFICATIVA DO CONVENIO DE COLABORACIÓN ENTRE A CONSELLERÍA DE PROMOCIÓN DO EMPREGO E IGUALDADE E A FUNDACIÓN VENANCIO SALCINES POLO QUE SE CANALIZA A SUBVENCIÓN NOMINATIVA PARA O DESENVOLVEMENTO, NO MARCO DO PROGRAMA RETORNA CUALIFICA EMPREGO, DAS ACCIÓNS DIRIXIDAS A PROMOVER O RETORNO A GALICIA DE PERSOAS GALEGAS RESIDENTES NO EXTERIOR

O Estatuto de autonomía de Galicia, nos seus artigos 1.2 e 4.3, establece que a Comunidade Autónoma de Galicia asume como tarefa principal a defensa da identidade de Galicia e a promoción da solidariedade entre todos os integrantes do pobo galego, configurando como un principio reitor da súa política social e económica facer efectivo o dereito das persoas galegas a viviren e traballaren na súa propia terra. Así mesmo, no seu artigo 29, atribúelle á Comunidade Autónoma, en concordancia co artigo 149.1.7ª da Constitución española, a competencia para a execución da lexislación do Estado en materia laboral, asumindo as facultades, funcións e servizos correspondentes a este ámbito.

A Consellería de Promoción do Emprego e Igualdade, a través da Dirección Xeral de Formación para o Emprego e Orientación, de acordo co establecido no artigo 48.b) e e) do Decreto 123/2022, do 23 de xuño, polo que se establece a estrutura orgánica da Consellería de Promoción do Emprego e Igualdade ten, entre outras, as competencias en materia de dirección e coordinación das actuacións da consellería en materia de intermediación e orientación laboral, cualificación profesional, promoción da empregabilidade e formación profesional para o emprego e, singularmente, a coordinación da participación das entidades colaboradoras, sen ánimo de lucro, na execución e desenvolvemento dos servizos de políticas activas de emprego, a través da colaboración público-privada.

Así mesmo, a Lei 5/2021, do 2 de febreiro, de impulso demográfico de Galicia, recolle no seu capítulo V do título II a adopción de medidas de fomento do retorno da poboación galega residente no exterior e da súa descendencia, a través de diferentes programas e



actuacións para acadar a súa plena integración social. Nesa liña enmárcase a Estratexia Galicia Retorna, aprobada polo Consello da Xunta de Galicia o 15 de decembro de 2022, que inclúe diferentes medidas destinadas, por un lado, a rexuenerar a poboación galega e contribuír a superar a crise demográfica que atravesamos a nosa comunidade, e, por outro, a facilitar o dereito das persoas emigrantes galegas e da súa descendencia a regresar a Galicia.

Na consecución deses obxectivos cómpre seguir apostando por dar ás persoas que tiveron que emigrar así como a súa descendencia, a oportunidade de regresar a Galicia e poder desenvolver un proxecto de vida nesta comunidade. Para iso, cómpre facilitar que as persoas interesadas en retornar a Galicia, dispoñan tanto de información como de formación que lles permita acadar a posibilidade de contar cunha oferta de traballo e chegar a Galicia coa garantía da súa inserción laboral.

No marco deses obxectivos está o programa Retorna Cualifica Emprego dirixido a promover entre a poboación galega residente no exterior o seu traslado a Galicia coa finalidade de ter aquí unha oportunidade de traballo e que lle permita realizar o seu proxecto vital facilitando para iso o apoio preciso a través de medidas de información, de formación-cualificación e de inserción laboral mediante unha oferta de traballo en Galicia.

Este programa Retorna Cualifica Emprego enmárcase dentro da Estratexia Galicia Retorna, concretamente na área de actuación 4-Área Laboral, medida 66, promovida pola Secretaría Xeral de Emigración e aprobada polo Consello da Xunta de Galicia na súa sesión do 15 de decembro de 2022.

Conforme aos requisitos previstos no artigo 19.4a) da Lei 9/2007, do 13 de xuño, de subvencións de Galicia, e nos artigos 36.a) e 37 do Decreto 11/2009, do 8 de xaneiro, polo que se aproba o regulamento da lei, a entidade Fundación Venancio Salcines, aparece expresamente reflectida na Lei 6/2022, do 27 de decembro, de orzamentos xerais da Comunidade Autónoma de Galicia para o ano 2023, como beneficiaria individualizada así como obxecto subvencionado e a súa dotación orzamentaria. Esta fundación é unha institución sen ánimo de lucro que traballa cara ao desenvolvemento social, educativo e



cultural de Galicia, promovendo proxectos de acción dirixidos a mellorar o futuro da sociedade galega en xeral e entre as súas liñas de acción están os procesos de acompañamento e integración no mercado laboral.

En Santiago de Compostela, na data da sinatura electrónica

A directora xeral de Formación para o Emprego e Orientación

Zeltia Lado Lago

